

細雨濛濛花信催
冰梅數點應春開
醉歌一曲齊天樂
吸盡人間新舊醅

漁隱

柳陰深處下漁竿
颯颯秋風笠影寒
可是桃源音信杳
釣船斜泊武陵灘

初秋

飄飄梧葉報新秋
翠草迎涼景色幽
一片白雲飛過也
好風吹我到蘋洲

秋景四首

無端梧葉又驚秋
處處烟巒歛更幽
薄暮蟬聲喧未了
碧湖聽

道藏輯要

皇帝詩集

三

室集七
118

罷月明舟

一徑斜陽晚照殘
牧童牛背畫中看
三秋莫道無顏色
籬菊黃時楓葉丹

草色青青點綠苔
幽蘭芳菊徧庭隈
人間豈少閒遊處
閒苑風清次第回

飄零黃葉似多情
趺坐林間落滿襟
一片秋光何處去
今朝松竹送寒聲

重九二首

連宵風雨報重陽
簌簌金聲耐晚涼
最是一年秋好處
籬邊黃菊未經霜